

SEPHIRI SA MOLIMO

TŠENOLO 10:7



LIKAHARE

Likahare



2 Mohlolo

8 Kahlolo

12 Lebitso

16 Bophelo Ka Morao

22 Sebe Sa Ho Qala

28 Letsatsi Le Tšabehang La Morena

34 Lentsoe

www.molaetsa.org

noma

VOICE OF GOD RECORDINGS
SOUTH AFRICA OFFICE

58 DISA ROAD, ADMIRAL'S PARK, GORDON'S BAY 7140
WESTERN CAPE REPUBLIC OF SOUTH AFRICA

NA EBE MOLIMO O SA ETSA
MESEBETSI E MATLA KAMOO A
ENTSENG KA HARA BIBELE?

NA U KILE UA IPOTSA EBE LEBAKA LEO
U TLAMEHANG HO KOLOBETSOA KA
LONA KE LEFE?

KAHOBANE FEELA U LE SETHO SA
KEREKE, NA EBE U SE U PHOLOSITSOE?

HO HLILE HO ETSAHETSENG MAHARENG
A SEPENTE LE EVA TŠIMONG EA EDENE?

NA U TSEBILE BIBELE E TŠEPISA
SEPHIRI SA MOLIMO SE TLA PHETHEHA
MATSATSING ANA A QETELO.

NA EBE NAKO EA HO LOKOLLA LIPHIRI HO LI
SENOLELA LEFATŠE E FIHLILE.

**NA U IKEMISELITSE HO UTLOA
LENTSOE LA 'NETE LA MOLIMO?**

Empa mehleng ea lentsoe la lengeloj la bosupa, ha
terompeta ea lona e tla lla, ke moo **sephiri** sa Molimo
se tla phetheha, kamoo o boleletseng bahlanka ba
oona baporofeta kateng.

TŠENOLO 10:7

Mohlolo

JOHANNE 14:12

*KANNETE, NETE, KE RE HO LONA,
EA LUMELANG HO 'NA, MESEBETSI
EO KE E ETSANG O TLA E ETSAS LE
'ENA; O TLA ETSAS LE E FETISANG
ENA; KAHOBANE KE EA HO NTATE.*

MAREKA 16:17-18

*MEHLOLO E TLA TSAMAEA LE BA LUMELANG KE EONA ENA; BA TLA
LELEKA BATEMONA KA LEBITSO LA KA; BA TLA BUA LIPUO TSE NCHA;
BA TLA TŠOARA LINOA; 'ME LEHA BA NOELE NTHO E KA BA
BOLAEANG, HA E KA KE EA BA ETSAS LETHO; BA TLA BEA MATSOHO
HOLIMA BA KULANG, 'ME BA TLA FOLA.*

Bohle re ka phetla mahlaku a Bibebe ra bona hoba Molimo o etsa mehlolo: Moshe o phetlile Leoatle le Lefubelu, Elia a bitsa tlala, Jesu a tsamaea holima metssi, 'me barutuo ba folisitse bakuli.

Kahara Bibebe ho rekotiloe mehlolo e likete. Efèla ha Molimo o omèla ka *lipontšo le meeka*, e kae mehlolo ea Hae kajeno? Na ebe A ka folisa kankere kamoo A folisitseng lepera le kahara Bibebe? Le reng ka CHAIVI kapa malaria? Na ebe O sa khona ho etsa mohlolo? E, Molimo o sa etsa mehlolo 'me mehlolo ena e tla tsamaea le ba lumelang.

Joale, shebang metsoalle, hopolang King George oa Engelane, mohla a folisoang marangrang a methapo, mohla re mo rapeletseng. Le hopole Florence Nightingale, (nkhona'e, mothei oa Sefapano se Sefubelu), a batla a le boima ba liponto tse mashome a tšeletseng, a robetse mono a bolaoa ke kankere e mo jang mala, a robetse mono a eshoa. Eaba mono leeba le fofela sehlahleng mono 'me Moea oa Molimo oa fihla o re, "HO RIALO MORENA, o tla phela." 'Me boima ba hae ke liponto tse lekholo le mashome a mahlano o phetse hantle.

Nahanang ka Mokonkrese Upshaw ea lutseng a tlamiloe litulong le malaong selemo ka mora selemo, lilemo tse mashome a tšeletseng a metso e tšeletseng. 'Me hantle ka nako le motsotsa a ema ka maoto a hae, a matha hara moaho, a ama menoana ea hae, a boetse setloaeling ka phethahalo a phetse.

Nahanang ka likete tsa likete tsa batho ba folisitsoeng. Hobaneng re ka lula mona hofihlela re eshoa? Ha re etseng ho hong.

Eba le tumelo ha u kula kapa u hloka. Bibebe e re Jesu Kreste eèna maobane, kajeno, le ka mehla, haeba A entse mohlolo lilemo tse likete tse peli tse fetileng, efèla O khona ho etsa hona hoo kajeno. O re tsepisitse 'me o itse re folisitsoe, hola re ka lumela feela.

William D. Upshaw

o sebelitse lilemo
tse robeli Tlung ea
Manqosa Linaha Tse
Kopaneng a ntso iketèla
botonakhòlò ka 1932.
O holofetsé koluoeng
ea polasi esale
nqoana, a qeta lilemo
tse 66 a ikokotela ka
melangoana kapa a
bofiloe setulong sa
bakuli. Ka 1951, a
fola ka botlalo a ba a
tsamaea a phethhehile
bophelo bohole ba hae.




Florence Nightingale.

ke leloko la mooki
ea tummeng, o ne
a jaoa ke kankere e
sa foleng ea mala. O
rometse senepe sena
e le kopo ea hae ea ho
qetela pele kankere e
tlosa bophelo ba hae.
U ka iponela, hore o
ne a le ntšing tsa lefu
pele Morena Jesu a
mo folisa ka 1950.
Senepe se hlahlamang
se nkiloe ka mora
pholiso ea hae 'me se
rometsoe e le bopaki
bo tlalehang Molimo o
sa ntse o folisa bakuli.



Tris

Griffin o etetse ngaka mathoasong a 2013 kaha mahlaba a mokokotlo a
boetse a qalile 'me a tsohile hore ekaba ntso ea hae le kankere e khutile. Mochini
MRI o bontšitse "ho khaoha ha mothapo o moholo oa aeotha" oa pelō ea hae,
o chochileng lingaka ho boela ba hlahloba bocha tsa ntso rera oporeishene ea
tshohanyetso tsatsi le hlahlamang. Motoa o parolang pelō senepeng ke sekheo se
totobetseng se bolelang lefu la hang-hang le le tiileng ha o ka phatloha.



Tsatsi le hlahlamang, hoba a rapelloe ke balumeli, lingaka tsa boela tsa chabisa scan sa CT ho ikholisa moo sekheo se lutseng teng pele ho oporeishene. Khetlong lena, linepe li supa pelō e phetseng hantle ka botlalo. Ka makalo, ngaka e sehang ea bolella Mof. Griffin, "Ha ke tsebe nka reng ho uena. Mothapo oa hao o ne o patsohile, empa joale bopaki bohole bo nyametse." A 'montša linepe tsa pele ho thapelo, le tsa kamorao. "U lokolotsoe ho ikela, ebile hape, le mohlala oa kankere o nyametse. U phetse ka ho phethahala."



(ho le letšeħali) Motsu oa ngaka o supa mothapo o moholo aeotha, o lefifi, e leng tulo e khilikoe bohareng ba senepe. Mola o tsekallang o parola ke thuruho ea mothapo aeotha, kapa "sekheo" sa mothapo, sona se qosa ho sehoa ka potlako 'me ha o ka phatloha o a bolaea. (ka holimo) Scan sa bobeli se katlatitsoe tsatsi le latelang. Sekheo se nyametse ka botlalo 'me ha se eso khutile haesale.

Liqotsø

PESALEMA 10:3:2-3

*Boka MORENA, oho moea oa ka, u se ke ua lebala litſitso tsohle tsa hae:
Ke eēna ea tsoarelang makhopo a hao ohle; ea folisang maloetse a hao kaofela;*

ESAIA 53:5

Athe o hlabetsoe libe tsa rōna, a tetekoa ka baka la makhopo a rōna: kotlo e re tilisetsang khotso e mo oetse holimo; 'me re pholosoa ka maqebla a hae.

MAREKA 16:17

Mehlolo e tla tsamaea le ba lumelang ke eona ena; Ba tla leleka batemona ka lebitso la ka; ba tla bua lipuo tse ncha;

LUKA 17:6

Morena a re, Hojane le na le tumelo e ka ka hlaku ea mosetareta, le ne le tla re ho sefatse seo sa sikamora. Fothoha, o ee ho itlhoma leoatleng; 'me se ne se tla le utloa.

JOHANNE 14:12

Kannete, nete, ke re ho lona, Ea lumelang ho 'na, mesebetsi eo ke e etsang o tla e etsa le eēna; o tla etsa le e fetisang ena; kahobane ke ea ho Ntate.

I BATHESSALONIKA 1:5

Hobane evangeli ea rōna ha e a ka ea tla ho lona ka lipolelo feela, empa e tlie le ka matla, ka Moea o Halalelang, le ka kholiso e khōlō; joalokaha le tseba seo re bileng sona ha heno.

BAHEBERU 2:3-4

Ana re tla phonyoha joang, ha re sa hlokomele poloko e kalo; e neng e qale ho boleloa pele ke Morena, ea ntso tiisoa ho rōna ke ba mo utloileng;

Ha Molimo o ntse o omēla, hammoħo le bona ka lipontšo le meeka, le liketso tse ngata tse matla, le ka lineo tse ajoang ke Moea o Halalelang, kamoo o ratang kateng?

BAHEBERU 13:8

Jesu Kreste e ne e le eēna maobane, e sa le eēna kajeno, 'me e tla 'ne e be eēna ka ho sa feleng.

JAKOBO 5:15

Me thapelo e entsoeng ka tumelo e tla pholosa mobabi, 'me Morena o tla mo tsosa liphateng; 'me ekare ha a entse libe, o tla tsoareloa tsona.

I PETROSE 2:24

Eēna ea jereng libe tsa rōna 'meleng oa hae sefapanong, hore, re shoe ka nqa ea libe, re tle re phelele ho loka: eo le folisitsioeng ka matetetso a hae.

Kahlolo

KAHLLOLO

PESALEMA 96:13

PELA MORENA: HOBANE O EA
TLA TLA, HO AHLOLA LEFATŠE: O
TLA AHLOLA LEFATSE KA HO LOKA,
LE LICHABA KA 'NETE EA HAE.

Mekhatlo ea malumeli e fapane e le likete kajeno lefatšeng. Borapeli bo bong bo ahlola bo bong, empa koana ohle a tsepisa pholoso ka mokhatlo oa bolumeli ba bona. Re ka tseba joang ho khetha bofe?

Ha re khetha kereke ea Katolike, re amohela kopano ea bahalaleli, eona ke ho rapela lisèto ho pala. Bibebe e re, "Hobane Molimo o mong feela, le 'muelli mahareng a Molimo le batho o mong, e leng Kreste Jesu motho;" (I Tim 2:5). Moprista o bitsoa "Ntate" taba e thibetsoeng ke Jesu ho Matt 23:9: "Le se ke la bitsa motho ntata lona lefatšeng: hobane o mong feela eo e leng Ntata lona, ke ea leng maholimōng." Assemblies Of God e re ho rōna ho bua ka lipuo ke bopaki ba mantlha ba



Moea o Halalelang, athe Pauluse o itse, "Leha nka bua ka lipuo tsa batho le tsa mangeloi, ha ke se na lerato, ke joaloka koporo e llang, leha e le simbala e molumo o moholo." (I Bakor 13:1)

Mekhatlo eohle ea malumeli e potlaka ho re bolella ha lintho tse ngata li tolokiloe ka phoso ka Bibeleng, li lahlehile phetolelong, kapa li sa amane le lefatše la joale. Ha ho le joalo, na re tlameha ho lumela Bibebe kapa lithuto tsa mekhatlo ea bolumeli? Ebe Molimo o tla sebelisa eng joaloka folaga ea kahlolo?

Ha u ka botsa Mokatolike mona bosiung bona, "U hopola Molimo o tla ahlola lefatše ka eng?" Katolike e re, "Ka Kereke ea Katolike." Ho lokile, joale ke Kereke efe ea Katolike? Joale ba theile ea Roma, ea Greek Orthodox, le tse ngata tsa tsona. Ebe e tla ba Kereke efe ea Katolike? Moluthere o re, "Ka rōna," e tla ba lona Baptise le kantle. 'Me hape ha re ka re, "Ka Baptise," e tla ba lona Mapentekosta le kantle. Pherekano e ka ba e khōlō, ha ho mang ea ka tsebang ho etsang; ka baka leo ha A eso tsepise ho ahlola lefatše ka kereke.

O tsepisitse ho ahlola lefatše ka Kreste, 'me Kreste ke Lentsoe. 'Me Bibebe ke eona e tla ahlola lefatše, e leng Jesu Kreste eèna maobane, kajeno, le ka mehla.

Liqotso

JOHANNE 1:1

Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo.

JOHANNE 1:14

Lentsoe le ne le etsoe nama, 'me la aha hara rôna ('me re bohile khanya ea lona, e kang khanya ea Mora a 'notši ea tsoang ho Ntate,) le tletse mohau le nnete.

JOHANNE 5:22

Hobane Ntate ha a ahlole motho le a mong, empa o neile Mora kahlolo eohle:

JOHANNE 12:48

Ea ntahlang, 'me a sa amohele mantsoe a ka, o na le ea mo ahlolang: lentsoe leo ke le buileng, ke lona le tla mo ahlola ka letsatsi la bofelo.

BAEFSE 1:5-7

Hobane leratong la oona o ne o re rera pele ho re bea bana ba oona ka Jesu Kreste, ka ketso ea boithatelo ba oona,

E tle e be thoriso ea khanya ea mohau oa oona, oo o re hauhetseng ka oona ho moratuoa oa oona.

Ke ka ho eèna re nang le topollo ka mali a hae, ke ho re tšoarelo ea litšito, ka monono oa mohau oa hae;

BAEFSE 2:5-8

Ha re ne re ichoeletse melatong ea rôna, o re pholositse hammoho ho Kreste, (hobane le bolokehile ka mohau;)

'Me o re tsositsse hammoho, oa ba oa re lulisa hammoho maholimõng ho Kreste Jesu:

Hore mehleng e tlang o tle o bonahatse monono o fetisang oa mohau oa oona ka lerekoleo o re etselitseng lona ho Kreste Jesu.

Hobane le bolokehile ke mohau ka tumelo, ha ho tsoe ho lona: ke mpho ea Molimo:

I JOHANNE 1:7

Empa ha re tsamaea leseling, joalokaha oona o le leseling, re na le kopano hammoho, 'me mali a Jesu Kreste Mora oa oona a re hlatsoa libe tsohle.

TŠENOLO 22:18-19

Ke pakela e mong le e mong ea utloang lipolelo tsa boporofeta ba buka ena, Hore ha motho a ka li ekeletsa, Molimo o tla ekeletsa holima hae likotsi tse ngoliloeng bukeng ena:

'Me ekare ha e mong a tlosa ho hong lipolelong tsa boporofeta ba buka ena, Molimo o tla tlosa kabelo ea hae sefateng sa bophelo, le motseng o halalelang, tse ngoliloeng bukeng ena.



Lebitso

MAREKA 16:16

*EA LUMELANG HO 'ME A
KOLOBETSOA O TLA BOLOKEHA;
EMPA EA SA LUMELENG O TLA
TSUOA.*

LIKETSO 2:38

PETROSE A RE HO BONA, BAKANG, 'ME E MONG LE E MONG OA
LONA A KOLOBELETSOE KA Lebitso la Jesu Kreste TŠOARELONG
EA LIBE, 'ME LE TLA NKA NEO EA MOEA O HALALELANG.

Ho hlakile, kolobetso e bohlokoa haholo, empa na ebe
ke lebaka hore re kolobetsoang *joang?* Na kolobetso
e lokileng e teng, kapa na ebe ho ka sebetsa ntho
efe feela? Ha u lumela Bibele, EHLILE bo, e teng
kolobetso e lokileng.

Likereke tse ngata li kolobetsa ka Lebitso la Ntate,
Mora, le Moea o Halalelang, empa hona ha ho a loka
ho latela Bibele.

Ho Liketso 19, batho ba teng ba seng ba lumetse ho
Jesu Kreste, ba mpa ba eso amohele Moea o Halalelang
lipelōng tsa bona. Moapostola Pauluse o tsebile
mokhoa o nēpileng oa ho amohela Moea o Halalelang,
ka baka leo a ba botsa, “Le kolobelitsoe ka kolobetso
efe?” ‘Me ba re, “Ka kolobetso ea Johanne.” (Liketso
19:3) Pauluse a bona hoba ha ba kolobetsoa ka molao
oa Petrose ho Liketso 2:38, eaba o ba laela kolobetsoa
bocha ka Lebitso la Morena Jesu. Eaba, moo ho latela
ho tsepiso, ba amoheolang Moea o Halalelang.





Ka hona, lebaka la barutua ho kolobetsa ka Lebitso la Jesu ke lefe athe Jesu, ka Sebele, o ba laetse ho kolobetsa ka **Lebitso** (e seng "mabitso") la Ntate, le la Mora, le la Moea o Halalelang? (Mattheu 28:19) Na ebe ba entse phoso? Che! Ba entse kamoo ba laetsoeng.

Ha u bala lehlaseli lena, nahana ka lebitso la hao. Na u mora? Na lebitso la hao ke, "Mora"? Na u 'mè? Na lebitso la hao ke, "'Mè'? Lekhale, ao ke maemeli feela. U na le lebitso la mannte, le Molimo o na le lona.

Karabo ke ena:

*Le Bibeleng ha ho ntho e kang
motho ea kileng a kolobetsoa ka
lebitso la Ntate, Mora, Moea o Halalelang; kaha
ntho e joalo e le sieo. Ntate ha se lebitso; le Mora
ha se lebitso; le Moea o Halalelang ha se lebitso;
empa Lebitso la Ntate, Mora, Moea o Halalelang
ke Morena Jesu Kreste.*

Jesu Kreste ke Molimo! Ke Ntate, Mora, le Moea o Halalelang.

Ha u batla Moea o Halalelang 'me u ipotsa hobaneng Morena a eso u nee oona, u ka ipotsa potso eo Pauluse a e botsitseng, "Le kolobeletsoe ho eng?"

Liqotso

MATTHEU 28:19

E-eang ke hona, le rute lichaba tsohle, le ba kolobetso ka lebitso la Ntate, le la Mora, le la Moea o Halalelang: [Lebtso la Ntate ke mang? Lebitso la Mora? Lebitso la Moea o Halalelang?]

MAREKA 16:16

Ea lumelang 'me a kolobetsoa o tla bolokeha; empa ea sa lumeleng o tla tsuoa.

JOHANNE 5:43

'Na ke tlife ka lebitso la Ntate, 'me ha le nkamohelo: ekare ha e mong a etla ka lebitso leo e leng la hae, feela eèna le tla mo amoheba. [Haeba A tlife ka Lebitso la Ntate oa Hae, ebe Lebitso la Hae ke mang?]

JOHANNE 10:30

'Na le Ntate re bang feela.

JOHANNE 12:45

Ea ntalimang o talima ea nthomileng.

JOHANNE 14:8-9

*Filipi a re ho eèna, Morena, re bontše Ntate, e tla ba ho re lekane.
Jesu a re ho eèna, Ke lutse le lona nako e kalo, 'me ha u a ka ua ntseba, Filipi? ea mponeng o bone
Ntate; 'me u ka rialo joang. Re bontse Ntate?*

JOHANNE 20:27-28

*A ntoo re ho Thomase, Tlisa monoana oa hao mona, 'me u talime liatla tsa ka; ntsha letsoho la hao,
u le kenyé lehlakoreng la ka: 'me u se ke ua ba ea sa lumeleng, u mpe u be ea lumelang.
Thomase a araba a re ho eèna, Morena oa ka le Molimo oa ka.*

LIKETSO 2:38-39

*Petrose a re ho bona, Bakang, 'me e mong le e mong oa lona a kolobeletsoe ka lebitso la Jesu Kreste
tsoareleng ea libe, 'me le tla nka neo ea Moea o Halalelang.
Hobane pallo eo e etselitsoe lona, le bana ba lona, le ba leng hole kaofela, ba sa tlang ho
bitsoa ke Morena Molimo oa rôna.*

LIKETSO 4:12

*'Me ha ho poloko ho e mong: hobane ha ho lebitso le leng tlasa leholimô leo batho ba le neiloeng, leo
re ka bolokehang ka lona.*

LIKETSO 8:12

*Empa eitse hobane ba lumele Filipi ea ba bolellang litaba tsa 'muso oa Molimo, le lebitso la Jesu
Kreste, banna le basali, ba kolobetsoa.*

LIKETSO 19:3-6

*A re ho bona, Le kolobelitsoe ka kolobetso efe na? Ba re, Ka kolobetso ea Johanne.
Pauluse a re, Efèla Johanne o kolobelitse ka kolobetso ea pako, a boella batho, hore ba lumele ho ea
tlang ka mora hae, e leng, Kreste Jesu.
Eitseha ba utloa hoo, ba kolobetsoa lebitsong la Morena Jesu.
Eareha Pauluse a ba beile matsoho, Moea o Halalelang oa tla holima bona; ba bua lipuo, 'me ba
porofeta.*

BAEFSE 4:5

Morena o mong, tumelo e 'ngoe, le kolobetso e 'ngoe.

BAKOLOSE 3:17

*'Me seo le se etsang leha e ka ba eng le eng ka ho bua kapa ka ho sebetsa, le etse tsohle ka lebitso la
Morena Jesu, le ntse le leboha ka eèna Molimo Ntate.*

I JOHANNE 5:7

*Hobane ho le ba bararo bao e leng lipaki leholimong, Ntate, Lentsoe, le Moea o Halalelang: 'me tse
tharo tsena ke ntho e le 'ngoe.*

BOPHELO KA MORA

Bophelo Ka Morao

JOHANNE 5:28-29

SE MAKALENG KE HOO: HOBANE
NAKO E A TLA, BOHLE BA
MABITLENG BA TLA UTLOA
LENTSOE LA HAE,
ME BA TLA TSOA HO OONA; BA
ENTSENG HANTLE, BA TSOHELE
BOPHELO; 'ME BA ENTSENG
HAMPE, BA TSOHELE TSUO.

Tsatsi lea tla leo ka lona mang le mang oa rōna, u le Mokreste kapa eng, u tla fumana hantle se leng ka mose oane ho lesira. Bibebe e tšepisa ba bang Bophelo Bosafeleng, 'me ba bang, e ba tšepisa tsuo.

Motho esale a ipotsitse nalaneng, "Ho tla etsahalang ka 'na mohla ke shoang?"

Khale koana le pele Bibebe e baloa eba teng, moporofeta Jobo o kile a sheba tlhaho. A bua ka tšepo ea sefate, kamoo se renguang se ntano shoa, empa ha se utloa metsi, se boela se rutlolohela bophelong se hlahisa menoko e mecha. Jobo o tsebile hobane motho, joaloka sefate, o tla boela a tsohela bophelong:

Hoja motho ea shoang, a ka boela a phela?

ke be nka mamella ka matsatsi ohle a ntoa ea ka, ho be ho fihle se seng sebakeng sa ka.

U ne u tla bitsa, ke ne ke tla araba: 'me u ne u tla hloloheloa mosebetsi oa matsoho a hao.

Empa joale u bala mehato ea ka: u hlokometse libe tsa ka? (Jobo 14:14-16)

Koana ekaba Jobo o hlokile Bibebe a e balang, empa o tsebile Molimo o tla mo tsosa lebitleng tsatsi le leng mohla Molopolli oa batho a tla hlaha.

Hola mantsoe a ka a ka ngoloa joale! hola a ka ngoloa bukeng!

A ke a ngoloe ka tšepe e betlang le ka loto lelikeng ka ho sa feleng.

Empa kea tseba molopolli oa ka o a phela, le hobane qetellong o tla ema lefatšeng:

'Me leha letlalo la ka le senyehile, **ke tla bona Molimo ke se ke le nameng: (Jobo 19:23-26)**

Moporofeta o ne a bua ka Morena Jesu le ka tsoho ea batho ba Hae. Jobo ka tšenolo a tseba hobane leha mebele ea rōna e ka pona ka botlalo, Jesu o tla tsosolosa nama ea rōna. 'Me ka mahlo a rōna ka sebele, re tla bona ho Tla ha Hae. Batho bohle ba Molimo ba hlolohetsoe ho bona letsatsi le khanyang leo.

Leha ho le joalo, ruri joaloka Molimo ha o le teng, le liabolosi o teng; ruri joaloka Leholimō le le teng, lihele le tsona li teng. Lotho e holimo ho feta kakanyo ea rōna. Moapostola Pauluse o itse, " *Taba tseo Molimo o li lokiselitseng ba o ratang, ke tseo leihlo le sa kang la li bona, tseo tsebe e sa kang ea li utloa, tse sa kang tsa itlhahela pelōng ea motho.*" (I Bakor. 2:9)

Likelello tsa rōna li haeloa ho lekanya boholo ba Leholimō le tlang ho tla, hape li haeloa ho lekanya botšabeho ba lihele. Jesu o re boleletse lihele li tšabeha hoo e ka bang molemo ho rōna ho poma setho sa 'mele oa rōna ho ena le ho ipeha kotsing ea ho kena tulong e nyarosang eo.

Letsoho la hao ha le u lihela, u le khaole: ho ka bang molemo ho uena ke ha u kena bophelong u le tsohane, e seng ho ea liheleng mollong o sa timeng, o ena le matsoho a mabeli: (Mareka 9:43)

Ebe ho tla ea mang Leholimōng? 'Me ho tla ea mang liheleng? Mohopolo o boholoko oo, empa Jesu o tlalehile bongata ba batho bo sa tlo amohela moputso oo A ithatetseng ho o neela: *Kenang ka monyako o patisaneng: hobane monyako oa timelo, o hebehebe, le tsela ea teng e phatlaletse, 'me ba kenang teng ba bangata: Hobane monyako oa bophelo, o patisane, le tsela e eang teng e tšesane, 'me ba e fumanang ha ba bakae.* (Matt 7:13-14)

Jesu o boetse a re, " **Hase bohle ba reng ho 'na, Morena, Morena, ba tlang ho kena 'musong oa maholimō;** empa ho tla kena ea etsang thato ea

Ntate ea maholimōng. Tsatsing leo ba bangata ba re tla ho 'na, Morena, Morena, na ha re a ka ra porofeta ka lebitso la hao? na ha re a ka ra leleka batemona ka lebitso la hao na? na ha re a ka ra etsa mehlolo e mengata ka lebitso la hao na? Mohlang oo ke tla ba bolella pepenene ke re, Ha kea ka ka le tseba le mehla: ntloheleng, lona ba sebetsang bokhopo." (Matt 7:21-23)

Ho itlaleha Bokreste ha motho ha ho mo tlalehe a pholositsoe. Ka hona, ena ke potso e itlhomang pele mehopolong ea rōna: Ke amohela Bophelo Bosafeleng joang? Jesu o re arabile habonolo: *Kannete, nete, Ke re ho lona, Ea utloang lentsoe la ka, 'me a lumela ho ea nthomileng, o na le bophelo bo sa feleng,* ha a ka ke a tla kahlolong; empa o tlohile lefung ho kena bophelong. (Johanne 5:24)

Ka bomalimbabe, batho ba 'maloa haholo lefatšeng kajeno ba ikemisetsa ho tèla nako ea matsatsi a bona a maphathe ho utloa Lentsoe la Molimo. 'Me hape ba lumelang Lentsoe hoba ba le mamele ba 'maloa ho feta moo.

Likereke li re re be motho ea lokileng, re nahane hantle, re se bue leshano, ra qhekanyetsa, kapa ra utsoa, 'me re tla ea Leholimōng. Ha ba utloisise hoba lihele li tla tlala batho ba bonahalang ba phela maphelo a matle. Bonnete ha re isoe Leholimōng ke liketso tsa rōna tse ntle kapa hoba re le setho sa kereke e itseng. Tsela ea Bophelo Bosafeleng e 'ngoe feela, 'me eona ke ka Jesu Kreste. O re laetse hore re tšoanelia ho LUMELA Lentsoe la Hae, e leng Bibebe. Ho seng joalo, re ka pholosoa joang?

Mohla letsatsi la kahlolo le u fihlelang, na u tla utloa,
"Tloong, lona ba hlohonolofalitsoeng ke Ntate, le
amohele 'muso oo le o lokiselitsoeng haesale lefatše
le theoa," (Matt 25:34) kapa ebe u tla utloa, "Tlohang ho
'na, lona ba rohakiloeng, le ee mollong o sa feleng, o
lokiselitsoeng liabolosi le mangeloi a hae"? (Matt 25:41)

E re mahlo a hao a sa bala mantsoe ana, khetho ke ea
hau: Na u tla khetha ho lumela Lentsoe la Molimo?

U tla qeta bosafeleng ba hao hokae?

Liqotsø

JOBO 14:12-16

*Motho le eèna o ee a robale, 'me ha a sa tsoha: hofhlela leholimō le eba sieo, ho ke ke ha tsohuoa ke
motho, a ke ke a phaphama borokong ba hae.*

*Jo hola u ka mpata nqalong ea bafu, hola u ka nkocabela teng, khalefo ea hao ea ba ea feta, ua
mpeela letsatsi, leo u tla nkhopola ka lona!*

*Hoja motho ea shoang, a ka boela a phela? ke be nka mamella ka matsatsi ohle a ntoa ea ka, ho be
ho fihle se seng bakeng sa ka.*

*O ne a o tla bitsa, ke ne ke tla araba: 'me o ne o tla hlolohela mosebetsi oa matsoho a hao.
Empa joale u bala mehato ea ka: u hlokometse libe tsa ka?*

JOBO 19:23-26

*Hola mantsoe a ka a ka ngoloa joale! hola a ka ngoloa bukeng!
A ke a ngoloe ka tsepe e betlang le ka loto lefikeng ka ho sa feleng!*

*Empa kea tseba hobane molopolli oa ka o a phela, le hobane qetellong o tla ema holima lefatše:
'Me leha letlalo la ke se senyehile, ke tla bona Molimo ke se ke le nameng:*

MATTHEU 7:21-23

*Hase bohle ba reng ho 'na, Morena, Morena, ba tlang ho kena 'musong oa maholimō; empa ho tla
kena ea etsang thato ea Ntate ea maholimōng.*

*Tsatsing leo ba bangata ba tla ho 'na, Morena, Morena, na ha re a ka ra porofeta ka lebitso
la hao? na ha re a ka ra leleka batemona ka lebitso la hao na? na ha re a ka ra etsa mehlolo
mengata ka lebitso la hao na?*

*Mohlang oo ke tla ba bolella pepenene ke re, Ha kea ka ka le tseba le mehla: ntloheleng, lona ba
sebetsang bokhopo.*

MATTHEU 22:14

Hobane ba bitsoang ba bangata, empa ba khethiloeng ha ba bakae.

JOHANNE 3:16-17

*Hobane Molimo o ratile lefatše hakalo, o bile oa le nea Mora oa oona ea tsoetsoeng a 'notši, hore e
mong le e mong ea lumelang ho eèna a se ke a timela, a mpe a be le bophelo bo sa feleng.*

*Hobane Molimo o romile Mora oa oona lefatšeng e sang hore a ahlole lefatše; empa e le hore lefatše
le bolokoe ke eèna.*

JOHANNE 5:24

*Kannete, nete, Ke re ho lona, Ea utloang lentsoe la ka, 'me a lumela ho ea nthomileng, o na le
bophelo bo sa feleng, ha a ka ke a tla kahlolong; empa o tlohilie lefjung ho kena bopheleng.*

I BAKORINTHE 2:9

*Empa ho lutse joalokaha ho ngoliloe ho thoe, Taba tseo Molimo o li lokiselitseng ba o ratang, ke tseo
leihlo le sa kang la li bona, tseo tsebe e sa kang ea li utloa, tse sa kang tsa itlhahela pelōng ea motho.*

I BATHESSALONIKA 4:13-18

*Banabeso, ha ke rate hore le ka hloka tsebo, tabeng ea ba ithobaletseng, le tle le se ke la hlomoha
joaloka ba bang, ba se nang tsepo.*

*Hobane ha re lumetse hore Jesu o kile a shoaa ba a tsoha, le hona re tšoanetse ho lumela hoba ba
ithobaletseng Molimo o tla ba tsosa ka Jesu 'me a ba hlakise le eèna.*

*Re fela re le bolella ka polelo ea Morena, hore haale rôna ba tlang ho phela le ho salla ho tla ha
Morena re ke ke ra raka ba robeseng.*

*Hobane Morena ka sebele o tla theoха leholimōng ka mohoo, ka lentsoe la arekangeloi, le ka
terompeta ea Molimo: 'me ba shoetseng ho Kreste ba tla tsoha pele:*

*Ebe moo rôna ba phelang ba saletseng nakong eo re nkeloang marung hammoho le eèna, ho ea
khahlanyetsa Morena sebakeng: 'me ka mokhoa o joalo re tla ba le Morena kamehla.*

Ka baka leo le ke le tšelisane ka lipolelo tseo.

SEBD SA HO QALA

GENESE 3:1

NOHA E NE E FETA KA BOHLALE
LIPHOOFOLO TSOHLE TSA NAHA
TSEO MORENA MOLIMO A LI
ENTSENG. 'ME EA RE HO MOSALI, A
EFELA, MOLIMO O ITSE, LE SE KE LA
JA LIFATE TSOHLE TSA TSIMO NA?

GENESE 3:6-7

MOSALI EITSE HA A BONA HOBANE SEFATE SE MONATE HO JEOA,
'ME SE KHALISA MAHLO, 'ME SE LAKATSEHA KE HO HLALEFISA, A
NKA LITHOLOANA TSA SONA, A LI JA, 'ME A NEA MONNA OA HAE EA
NENG A NA LE 'ENA; 'ME LE 'ENA A JA.

EABA MAHLO A BONA BA BABELI A TUTUBOLOHA, BA TSEBA HOBANE
BA FEELA; 'ME BA ROKAHANYA MAHLAKU A SEFATE SA FEIE, BA
IKETSETSA MEITLAMO KA OONA.

GENESE 3:14-15

EABA MORENA MOLIMO O RE HO NOHA, EREKAHA O ENTSE HOO, O
ROHAKILOE HARA MAKHOMO OHLE, LE HARA LIPHOOFOLO TSOHLE
TSA NAHA; U TLA TSAMAEA KA MPA EA HAO, 'ME U TLA JA LEROLE KA
MATSATSI OHLE A HO PHELA HA HAO:

KE TLA BEA HLOEANO MAHARENG A HAO LE MOSALI, LE MAHARENG
A PEŌ EA HAO LE PEŌ EA HAE; PEŌ EO E TLA U KHOBIA HLOOHO, 'ME
U TLA E LOMA SERETHE.

Sebe sa pele se ngotsoeng kahara Bibele ke sena.
Phoofolo e bohlale ho feta tsohle, sepente, e
"thetsitse" Eva ho ja sekotoana sa tholoana e sa
lumelloang. O ile a ja eaba o e nea monna oa hae, ba
ntoo lemoha hobane ba feela.

Lipotsotse totobalang ke tsena: Ebe noha e ka bua
joang? Apole e amana kae le bofeela? 'Me, ebe
peō ea sepente e kena joang tabeng ena
eohle?

Bibele e re sepente e ne e feta ka
"bohlale" liphoofolo tsohle. E
ne e le sekamotho, e khona ho
tsamaea, ho bua, le ho qoqa
ka hlolahanyo. Hoba e thetse
mosali oa Adama, Molimo
oa e rohaka ea fetoha noha,
feela tšenyo e se e entsoe le
peō e se e jetsoe.

Ho Genese 3:15 Bibele e
re sepente e ne ena le peō,
eaba Molimo o bea *hloeano*
mahareng a lipoē tse peli tseo.
Ho hlakile, hore peō ea sepente
e ile ea tsoakana le peō ea Eva ea
tlhaho le pele ho karohano. Taba
eo eohle e ka hlahisoa joang ke ho
ja apole? Hape, litemaneng tse 'maloa



tse latelang, "Eaba Adama o rea mosali oa hae Eva; kahobane e le 'ma ba utloang bohole." Lemoha hobane ha e re Adama e ne e le ntata ba utloang bohole.

Li teng "litholoana" tsa mefuta kahara Bibele. Ehlide, tholoana ea 'nete, e kang apole, e melang 'me e le lijo tse jeoang. Tholoana e 'ngoe e bua ka mesebetsi ea rōna, e ka bang mesebetsi ea tlhaho e kang polasi kapa khoebo, kapa mesebetsi ea moea e kang ho etsa mehlolo le ho rera Evangel. Hape, ho be le tholoana ea popelo, e buang ka kemariso le ka tsoalo ea ngoana.

Na ebe ho ja tholoana e pala ho ka nea Adama le Eva kutloisiso ea hobane ba feela? Kapa, na ebe ho qosa likamano tsa phelisano ea monna le mosali ho utloisia ba tlameha ho apesa likarolo tse itseng tsa mebele ea bona?

Ebe se etsahetseng Tsimong ho hlahisa tlolo ea motho tsatsing leo ke sefe?

Joalo feela kaha Peō ea mosali e ne e le mohla Molimo o boelang o Itlhahisa ka nama ea motho ka seqo, le joalo peō ea sepente ke leano leo Satane a le sibolotseng ho ipulela monyako o kenang morabeng oa batho ka seqo. Satane o ne a ka sitoa (ka hoba e le sebopuoa se HLOLIENG sa moea) ho boela a itlhahisa kamoo Molimo a kileng a boela a Itlhahisa, ka baka leo tlaleho ea Genese e re bolella kamoo a hlahisitseng peō ea hae 'me a itšunya kapa a ikentela morabeng oa batho. Hape le hopole hore Satane o bitsoa 'sepente.' Seo re buang ka sona ke peō ea hae kapa kentelo morabeng oa batho.

Le pele Adama a ka tseba Eva ka nama, sepente o ne a se a mo etile pele ka tsebo eo. 'Me ea ileng a tsoaloa ke eèna e le Kaine. Kaine e ne e le oa (a tsoetsoe ke, a hlahisitsoe ke) "E Mobe Eo," I Johanne 3:12.

...'Nete ea taba ke hore Eva o ne a ena le bana ba BABELI (mafahla) ka popelong ea hae bona ba tsoa likemarisong tse FAPANANG. O ne a jere mafahla, moo kemolo ea Kaine e tlileng nakoana pele ho ea Abele.

Liqotso

GENESE 3:6-7

Mosali eitse ha a bona hobane sefate se monate ho jeoa, 'me se khahlisa mahlo, 'me se lakatseha ke ho hlalefisa, a nka litholoana tsa sona, a li ja, 'me a nea monna oa hae ea neng a na le eena; 'me le eena a ja.

Eaba mahlo a bona ba babeli a tutuboloha, ba tseba hobane ba feela; 'me ba rokahanya mahlaku a sefate sa feie, ba iketsetsa meitlamo ka oona.

[Ho ja sekotoana sa tholoana ho ba tsebisitse bofeela ba bona joang?]

GENESE 3:13-15

MORENA Molimo a bolella mosali a re, Na keng eo u e entseng? Mosali a re, Sepente e nthetsitse, 'me ke jele.

Eaba MORENA Molimo o re ho sepente, Erekaha o entse hoo, o rohakiloe hara makromo ohle, le hara liphoofolo tsohle tsa nahah; u tla tsamaea ka mpa ea hao, 'me u tla ja lerole ka matsatsi ohle a ho phela ha hao:

Ke tla bea hloeano mahareng a hao le mosali, le mahareng a peō ea hao le peō ea hae; peō eo e tla u khoba hlooho, 'me u tla e loma serethé.

[Sepente e ne e e-na le peō. Ho a hlaka, hore hoo ha ho bue ka noha.]

GENESE 3:20

Eaba Adama o rea mosali oa hae Eva; kahobane e le 'ma bohole ba utloang.

[Hobaneng Adama a sa bitsoe ntata bohole ba utloang?]

GENESE 4:1-2

Eaba Adama o tseba mosali oa hae; 'me a emola, a tsoala Kaine, a re, Ke itsoaletse monna ka thuso ea MORENA.

A boela a tsoala Abele moenae. Abele ea eba molisa oa linku, Kaine eèna ea eba ea lemang mobu. [Bophelo bohole bo tsoa ho Molimo, leha bo emotsoe ka molao kapa bo sa tla ka molao. Satane a ke ka bopa bophelo.]

LUKA 3:8

Mora oa Enose, mora oa Setha, mora oa Adama, mora oa Molimo.

[Kaine oa letsibolo o hlaha kae lesikeng Adama?]

I JOHANNE 3:12

'Me re se ke ra ba joaloka Kaine, e neng e le oa e mobe, 'me a bolaile ngoanabo. 'Me o 'molaile ka baka lang? Ke hobane eèna mesebetsi ea hae e ne e le mebe, athe ea ngoanabo e ne e lokile.

[Molimo o bopile Adama ka setšoano sa Oona. Ebe bokhopo ba Kaine bo tsoa kae, ebe ho loka ha Abele ho tsoa kae? Limelo tsa bona ke lefutso le tsoang ho bontata bona.]

JUDA 1:14

Le bona ba porofetiloe ke Henoke, monna oa bosupa ha ho qaloa ka Adama, ka ho re, Bonang.

Morena o tlide le bahalaleli ba hae ba liketekete,

[Ka hara Bibele ha ho moo Kaine a hlhang lesikeng la Adama.]



Letsatsi Le Tšabehang La Morena

MALAKIA 4:1

HOBANE, BONANG, LETSATSI LE
A TLA, LE CHESANG JOALOKA
MOLLO OA SEBÔPI...

MALAKIA 4:5-6

BONANG, KE A LE ROMELA MOPOROFETA ELIA HO ESO HO TLE
LETSATSI LA MORENA LE LEHOLO LE TŠABEHANG:
O TLA BUSETSA PELŌ TSA BONTATE HO BARA BA BONA, LE PELŌ TSA
BARA HO BONTATA BONA, HORE KE SE TŠOHE KE ETLA 'ME KA OTLA
LEFATŠE KA HO LE TIMETSA.

Buka ea ho qetela ea Testamente ea Khale e tsepisa tšenyeho ea lefatše. Empa pele ho bofelo, ho lekantsoe ho khutla ha Elia moporofeta ho tsebisa Messia. Ba bang ba re Johanne Mokolobetsi o phethile boporofeta bona.

Lilemo tse likete tse peli tse fetileng, keha Bajuda ba emetse Messia ho fihla. Ba tsebile Malakia a porofetile ho fihla ha monna ea nang le moea oa Elia ea tla ba tsebisa Messia. Empa mohla Johanne Mokolobetsi a na a fihla, keha e se Elia oa litebello tsa bona. Eitseha ba botsa Jesu horeng Elia a sa ka a fihla pele, O ba boleletse phatlalatsa a re Johanne e ne e le phethahatso ea boporofeta boo: *"Me ha le ka e amohela, ke eèna Eliase, ea neng a tla tla."* (Eliase ke hlaloso ea Segerike ea lebitso la Seheberu, Elia.)



Ke sehlotšoana sa batho feela se amohetseng tšenolo ena. Ho baetapele ba bangata ba barapeli, Johanne empa e le moseholli ea mabifi khahlano le mekhatlo ea bona. Ha ba ka ba lemoha moea oa Elia, empa ho fetang hoo ka bobe, ba boetse ba fositse ho Fihla ha Kreste.

Na ebe Johanne Mokolobetsi o phethile boporofeta ba Malakia? E seng kaofela ha bona.

Pele, lefatše ha le eso "chesoe joaloka mollo oa sebopi" le joale, bonnyane re tseba karolo ea Malakia 4 e le hona e tla etsahala. Karolo e 'ngoe ea Lengolo le sa phethisoang ke Johanne ke ho, "busetsa pelō ea bana ho bontata bona." 'Me, Jesu, ka Sebele, o porofetile ka hore Elia o a tla (lekhathe le tlang) a busetse lintho tsohle. (Matt 17:11)

Ka hona re tlameha ho shebella Elia pele Kreste a Khutla Labobel!

Joale, letsatsing lena la seojoale, ke nakong ea ho Khutla ha Morena Jesu Labobel. Ebile, re tsepisitsoe moea oa Elia o tla Mo tsebisa rōna ho latela Malakia 4. Empa ke sehlopha sefe sa batho se tla lemoha Elia mohla a fihang? Ke ba mo lebeletseng feela.

Mantsoe ana a Morena oa rōna le Mopholosi rea hopola ha re nahana ka boporofeta ba Malakia ba nako ea lihora tsena tse koalang:

Empa Ke re ho lona, Elia o se a tlile, 'me ha ba ka ba mo tseba...

Mattheu 17:12



Haeba re ka fosa ho khutla ha Elia teng? Na ebe re tla fosa ho Khutla ha Kreste Labobel, joalokaha bangoli le Bafarasi ba fositse ho Fihla ha Hae la Pele kahobane ba sa lemoha Johanne Mokolobetsi?



Liqotsø

II MARENA 2:15

Bara ba baporoféta ba Jeriko ba neng ba eme mabapa le teng ha ba 'mona, ba re, Moea oa Elia o lutse ho Elisha. Ba tla ba mo khahlanyetsa, ba inama fatše pela hae.

ESAIA 40:3-4

Lentsoe la ea hooang feelleng le re, Hlekang tsela ea MORENA feelleng, le latse 'mila oa Molimo oa rōna nahathote.

Liphula tsohle li katsoe, lithaba kaofela le maralla ohle a kokobetsoe: libaka tse litutulu li batalatsoe, hohle moo ho leng makukuno ho latsoe: [Johanne Mokolobetsi]

MALAKIA 3:1

Bonang, Ke ke a roma lengosa la ka [Johanne Mokolobetsi], le tle le hleke tsela pela ka: 'me hang Morena, eo le 'matlang, o tla kena tempeleng ea hae, e leng lengelo i selekane, leo le le batlang: bonang, o a tla, ho bolela MORENA oa makhotla.

MALAKIA 4:1-6

Hobane, bonang, letsatsi lea tla, le chesang joaloka mollo oa sebopi [ha eso etsahale]; baikhohomosi kaofela, e, le bohole ba etsang bolotsana, ba tla ba joaloka matlakala: tsatsi leo le tlang le tla ba chesa, ho bolela MORENA oa makhotla, ho se hbole ho sala ho bona moto kapa lekala. Empa haele lona ba tšabang lebitso la ka le tla chabeloa ke Tsatsi la ho Loka le nang le poloko mahlaseling a lona; le tla tsoa, le be the thale joaloka manamane a nontšitsoeng. Le tla hatakela ba bolotsana; hobane ba tla ba joaloka molora katlasa bohato ba maoto a lona tsatsing le tla etsoa ke 'na, ho bolela MORENA oa makhotla.

Hopolang molao oa Moshe mohlanka oa ka, oo ke o laetseng Baiseraele bohole ka eëna Horebe, e leng molao le litaelo.

Bonang, Ke ea le romela moporoféta Elia ho eso ho tle letsatsi la MORENA le leholo le tšabehang:

O tla busetsa pelō tsa bontate ho bara ba bona [Johanne Mokolobetsi], le pelō tsa bara ho bontata bona [Elia oa mehla ena], hore Ke se tšohe ke etla 'me ka otla lefatše ka ho le timetsa.

MATTHEU 11:10

Hobane ke eëna, ea boletsoeng moo ho ngoliloeng ho thoe, Bona, ke roma pela sefahleho sa hao, lengosa la ka le tlang ho o lokisetza tsela. [Malakia 3:1, Johanne Mokolobetsi]

MATTHEU 11:14

Me ha le ka e amohela, ke eëna Eliase, ea neng a tla tla. [Johanne Mokolobetsi]

MATTHEU 17:11-12

Jesu a araba a re ho bona, Kanmete Elia o tšoanetse ho tla, a busetse tsohle tokeng. [Elia oa mehla ena] Empa ke re ho lona, Elia o se a tlide, 'me ha ba ka ba mo tseba, ba mpa ba mo entse hohle hoo ba ho ratileng. [Johanne Mokolobetsi] Mora motho le eëna o tla utloisoa bohloko joalo ke bona.

LUKA 1:17

O tla mo etella pele ka moea le ka matla a Elia, a tle a busetse lipelō tsa bontate baneng ba bona, le bahanyetsi bohlaleng ba ba lokileng; a tle a lokisetze Morena sechaba se hlekehileng hantle. [Johanne Mokolobetsi]

Lentsoe

BAHEBERU 4:12

HOBANE LENTSOE LA MOLIMO KE
LENTSOE LE PHELANG, LE MATLA,
'ME LE FETISA LISABOLE TSOHLE
TSE LEOLITSOENG KA NQA TSE
PELI, 'ME LEA HLABA LE EE HO
KENA LIKHAOAHANONG TSA PELŌ
LE TSA MOEA, LE MANOYELLONG
LE MOKONG, 'ME LE AHLOLA
MAIKUTLO LE MEHOPOLO EA PELO.

Lithuto li ngata haholo, bolumeli bo mabitso, le tsona lilekane holima lefatše lena la joale, ebe molumeli oa makhonthe o kena kae? Hoja Petrose, Jemese, le Johanne ba ka fihla lefatseng lena kajeno, ba ne ba tla ingolisa le bolumeli bofe bo mabitso? Na mehlolo e ne e tla sala tšebetso ea bona morao kapa ba ne ba tla re matsatsi ao a fetile khale? Na ba ne ba tla tenyetseha holima kolobetso? Na ba ne ba tla latela thuto ea kereke ea bona leha koana e fapohile Lentsoe ho se hokae? Na ba ne ba tla lumela Bibele, kapa ba lumele Bafarasi le Basadusi ba kajeno?

Ako ipotse potso ena: Hoja Jesu Kreste a be a le teng kajeno, na u be u tla tèla tsohle ho Mo latèla? Na u ne u tla lumela Lentsoe la Hae?

O u file monyetla o tšoanang le oo A o fileng barutuoa ba Hae. O kentse papitšana ena letsohong la hao ho u khutlisetsa morao Lentsoeng la Hae, Bibele ea Hae. Na u tla tenyetseha?

Banna le basali, metsoalle, na le lemoha hobane Molimo oa Leholidō o tsositseng Kreste Jesu bafung, ha A shoa O mpa a phela. 'Me efèla haeba A bolokile Lentsoe la Hae ho Davida, efèla haeba A le bolokile ho Elia, efèla haeba A le bolokile ho Moshe, efèla haeba A le bolokile ho bana ba Baheberu, efèla haeba A le bolokile ho-ho Daniele, O tla le boloka ho 'na le uena.



NA U RATA HO TSEBA HO FETA MOO?

www.molaetsa.org

NOMA

VOICE OF GOD RECORDINGS
SOUTH AFRICA OFFICE

58 DISA ROAD, ADMIRAL'S PARK, GORDON'S BAY 7140
WESTERN CAPE, REPUBLIC OF SOUTH AFRICA



SEPHIRI SA MOLIMO

TŠENOLO 10:7

www.molaetsa.org

VOICE OF GOD RECORDINGS
SOUTH AFRICA OFFICE

58 DISA ROAD, ADMIRAL'S PARK, GORDON'S BAY 7140
WESTERN CAPE REPUBLIC OF SOUTH AFRICA
SOUTH SOTHO